

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
SEP 19 1947

T5299/1333

2



CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
SEP 19 1947

目錄

大寶固在京師作

贈比部蕭郎中十兄 冬日有懷李白 春日

懷李白 題孔叢父遺稿歸游江東兼呈李白

兵車行 別謝公尋慈恩寺塔 別後過江

待飲謝歡 小從孫濟 杜位宅守歲 元正

贈張守元 題八 樂游園歌 曲江三堂 金

走子 白鹿行 清宮怨 孤舟 送友人 孤

蕭山歌 送趙司馬

目錄

蕭山張 遠邇可著

天寶間在京師作

贈比部蕭郎中十兄 冬日有懷李白 春日

懷李白 送孔巢父謝病歸游江東兼呈李白

兵車行 同諸公登慈恩寺塔 病後過王

倚飲贈歌 示從孫濟 杜位宅守歲 玄都

壇歌寄元逸人 樂游園歌 曲江三章 貧

交行 白絲行 前出塞九首 送裴五虬尉

永嘉 送張十二參軍赴蜀州因呈楊五侍御

送韋書記赴安西 奉贈鮮于京兆 奉留

贈集賢院崔國輔于休烈二學士 投贈哥舒

開府翰二十韻 嘆庭前甘菊花 醉時歌

醉歌行 麗人行 陪李金吾花下飲 陪鄭

廣文游何將軍山林十首 重過何氏五首

陪諸貴公子丈八溝攜妓納涼晚際遇雨二首

杜詩會粹

哈佛大學漢和圖書館珍藏

崑山徐健菴先生定

烏程姚德堅冰玉叅

蕭山張 遠邇可著

贈比部蕭郎中十兄

原注甫從姑之子 比音皮唐書比部屬刑部

郎中員外各一人

有美生人傑。由來積德門。漢朝丞相系。梁日帝王孫。

蘊藉為郎久。魁梧秉哲尊。詞華傾後輩。風雅靄孤鶩。

桓玄傳劉裕風骨不恒蓋人傑也 開皇神告錄曰隋開皇末有老翁詣唐高祖狀貌甚異高祖欽之從

容置酒語及時事曰公積德之門負至貴之表應天受命當不勞而定唐書世系表蕭氏出自姬姓漢有丞相鄼文終侯何蕭氏定著二房一曰皇舅房一曰齊梁房齊梁房即梁武帝之後漢書薛廣德傳為人溫雅有蘊藉周勃傳魁梧奇偉王儉傳宅儉體道秉哲風宇淵瞻○此敘蕭郎中世系才望

相榮姻戚兒童惠討論見知真自幼謀拙愧諸昆魏晉

舒傳舒少孤為外家寧氏所養寧氏起宅相宅者云當出貴甥舒曰當為外氏成此宅相後果為公書

序討論墳典任昉贈王僧孺詩唯子見知唯余知子孫萬壽詩粵余非巧宦少小拙謀身○此段敘

姻戚交契漂蕩雲天闊沈埋日月奔致君時已晚懷古意

空存中散山陽鍛愚公野谷村寧紆長者轍歸老任

乾坤莊子黃帝得之以游雲天顏延之詩沈醉似埋照傅亮修張良廟教抒懷古之情存不刊

之烈嵇康傳康與魏宗室婚拜中散大夫居山陽性絕巧而善鍛宅中有一柳樹甚茂每夏月居其下以鍛說苑齊桓公逐鹿入谷中見一老公問為何谷對曰為愚公之谷以臣名之臣故畜特牛生子大賣之而買馬少年曰牛不能生馬遂持駒去隣人以臣為愚故名愚公谷○此段自敘

冬日有懷李白

寂寞詩齋裏終朝獨爾思更尋嘉樹傳不忘角弓詩

短褐風霜入還丹日月遲未因乘興去空有鹿門期

左傳晉韓宣子來聘公享之韓子賦角弓既享燕于季氏有嘉樹焉宣子譽之武曰宿敢不封殖此樹以無忘角弓遂賦甘棠庾信詩何以譽嘉樹徒欣賦采蔡此比公之不忘太白猶季武之不忘韓宣神仙傳藥之上者有九轉還丹太乙金液王筠詩還丹改容質握髓駐流年世說戴安道居剡溪王子猷

雪夜命棹未至遽反曰乘興而來興盡而返何必見
戴後漢書龐德公攜妻子登鹿門山采藥不返
舊唐書李白天寶初客游會稽與吳筠隱於剡
下故有乘興句○前四句懷白後四句自謂

春日懷李白

白也詩無敵飄然思不群清新庾開府俊逸鮑參軍

渭北春天樹江東日暮雲何時一樽酒重與細論文

白也句法本檀弓鍾嶸詩品曹思王超逸今古卓

爾不羣蕭揚州進士表辭賦清新周書庾信留

長安遷驃騎大將軍開府儀同三司沈約任昉墓

銘天才俊逸文雅弘備宋書臨海王子瑱在荊州

以鮑照文辭瞻逸為前軍參軍江東浙江以東即

會稽也太白懷賀監詩欲向江東去定將誰舉杯稽

山無賀老却棹酒船回蓋亦以會稽為江東蘇武

詩我有一樽酒欲以贈遠人渭北公所居江東白

在所

送孔巢父謝病歸游江東兼呈李白唐書孔巢父字

弱翁冀州人早勤文史少與韓準李白裴政

張叔明陶沔隱居徂徠山時號竹溪六逸

按史巢父以辭未王辟署知名廣德中始授

右衛兵曹參軍此詩天寶中作意巢父嘗閒

游長安謝病歸公贈是詩

巢父掉頭不肯住東將入海隨烟霧詩卷長留天地

間釣竿欲拂珊瑚樹深山大澤龍蛇遠春寒野陰風

景暮蓬萊玉女回雲車指點虛無是征路自是君身

有仙骨世人那得知其故惜君只欲苦死留富貴何

如草頭露

莊子鴻濛拊髀雀躍掉頭曰吾弗知
陶潛詩彭祖愛永年欲不得住
述異記

鬱林郡有珊瑚市海客市珊瑚處也珊瑚碧色生海底一樹數枝枝間無葉大者高五六尺
左傳深山

大澤實生龍蛇遠字反案語春寒句別時景
漢郊祀志蓬萊方丈瀛洲三神山者在渤海中
傳

玄詩雲為車兮風為馬
大人賦乘虛無而上假
神仙傳嚴青居貧忽有人以一卷素書與青曰汝有

仙骨應得長生草頭露乃巢父意中語○此詩蔡侯餞巢父筵上之作
首段言巢父決於游仙

者靜者意有餘清夜置酒臨前除罷琴惆悵月照席

幾歲寄我空中書南尋禹穴見李白道甫問訊今何

如謝靈運詩還得靜者便
陶弘景左仙公蕭公碑
有人漂海隨風眇漭無垠忽值神島見人授書一

函題曰寄葛公令歸吳達之上云神仙事巢父入海求仙故用此事
幾歲問之之詞與幾時同
史

記自序上會稽探禹穴
古詩幸可廣問訊
今何如問白之辭○此段送別兼結呈李白

兵車行

車麟麟馬蕭蕭行人弓箭各在腰耶孃妻子走相送

塵埃不見咸陽橋牽衣頓足攔道哭哭聲直上干雲

霄詩有車麟麟
又蕭蕭馬鳴
古樂府不聞耶孃

哭子聲但聞黃河流水鳴濺濺
元和郡縣志便橋在咸陽縣西南十里以與便門相對因名漢武帝

造中渭橋在咸陽縣東南二十里本名橫橋秦始皇造皆架渭水
樂府兒女牽衣啼
酷吏傳路温舒

頓足而嘆
北山移文干雲霄而直上○此詩為玄宗用兵吐蕃而作首段先敘時事下借問者轉出
用兵之故通篇答者之詞但云二字直貫到底

旁過者問行人行人但云點行頻或從十五北防河

便至四十西營田去時里正與裹頭歸來頭白還戍

邊師曰點行漢史謂之更行以丁籍點照上下更換

十五年制以吐蕃為邊害令隴右道及諸軍團兵五

萬人集會州防秋至冬初無寇而罷唐書唐開軍

府以捍要衝因隙地以置營田有警則以軍若夫千

人助役海錄碎事唐制凡百戶為一里里置正一

裁為二儀實錄古以皂羅三尺裹頭曰頭巾周武帝

僕頭邊庭流血成海水武皇開邊意未已君不聞漢

家山東二百州千邨萬落生荆杞史記流血成川

時征伐四夷開置邊郡趙曰山東者太行山以東

也唐都長安河北諸道皆為山東十道四蕃志關

以東七道凡二百一十七縱有健婦把鋤犁禾生隴

州阮藉詩堂上生荆杞

畝無東西况復秦兵耐苦戰被驅不異犬與雞古樂

婦持門戶勝一大丈夫王粲詩不能效沮溺相隨

把鋤犁無東西因喪亂之故疆場不修無東西之

辨也通鑑後漢鄭泰曰天下所畏者無若并涼之

人與羌胡義縱而明公擁之以為爪牙譬猶驅虎兇

以赴犬羊鼓烈風以掃枯長者雖有問役夫敢伸恨

葉秦兵耐戰二句本此

且如今年冬未休關西卒縣官急索租租稅從何出

曲禮長者問不辭讓而對非禮也漢食貨志縣官

當衣租食稅而已史記索隱謂國家為縣官者畿內

縣即國都王者官信知生男惡反是生女好生女猶

天下故曰官也

得嫁比隣生男埋沒隨百草陳琳詩生男慎莫舉生

隣婚姻孔云庚信賦

君不見青海頭古來白骨無

功業天枉身名埋沒

詩洽比其

五

卷之二

五

人收新鬼煩冤舊鬼哭天陰雨濕聲啾啾水經注金城郡南有

湟水出塞外又東南經卑禾羌海世謂之青海舊唐書吐谷渾有青海周回八九百里高宗龍朔三年為

吐蕃所併儀鳳中李敬立與吐蕃戰敗於青海開元中王君奭張景順張忠亮崔希逸皇甫惟明王忠嗣

先後破吐蕃皆在青海西梁橫吹曲尸喪狹谷中白骨無人收左傳夏父弗忌曰吾見新鬼大故鬼

小鮑照詩煩冤難具陳○首段言人哭末段言鬼哭前後相應之詞

同諸公登慈恩寺塔

原注時高適薛據先有作兩京新記京城東

第一街進昌坊慈恩寺隋無漏寺故地西院浮屠六級高三百尺末徽三年沙門玄奘立

高標跨蒼穹烈風無時休自非曠士懷登茲翻百憂

方知象教力足可追冥搜蜀都賦陽鳥回翼乎高標爾雅穹蒼蒼天也高

唐賦烈風過而增悲哀鮑照詩安知曠士懷登樓賦登茲樓以四望王筠行路難百憂俱集斷人

腸王中頭陀寺碑正法既沒象教陵夷注象教言為形象以教人也○首段籠起仰穿龍蛇

窟始出枝撐幽七星在北戶河漢聲西流羲和鞭白

日少昊行清秋秦山忽破碎涇渭不可求俯視但一

氣焉能辨皇州史記天官書北斗七星所謂璇璣玉衡以齊七政春秋運斗樞斗第一天

樞第二璇第三璣第四權第五衡第六開陽第七搖光廣雅天河謂之天漢亦曰河漢魏文帝詩天漢

回西流王逸楚詞注羲和日御也月令孟秋之月其帝少昊潘尼序朱明送夏少昊迎秋行清

秋言塔頂氣冷如秋非真當秋令時也賈誼旱雲賦正雲布而雷動兮相擊衝而破碎謝朓詩春色

滿皇州○此段登塔而極狀其高併望中回首叫虞所見七星四句仰望也秦山四句俯視也

舜蒼梧雲正愁。惜哉瑤池飲日宴。崑崙丘黃鵠去不

息。哀鳴何所投。君看隨陽雁。各有稻梁謀。山海經南方蒼梧之

丘蒼梧之淵中有九疑山舜所葬在長沙零陵界中歸藏啟筮有白雲出自蒼梧入於大梁謝朓詩雲

去蒼梧野列子穆王升崑崙之丘以觀黃帝之宮遂賓於西王母觴於瑤池之上乃觀日之所入日行

萬里韓詩外傳田饒謂魯哀公曰夫黃鵠一舉千里止君園池啄君稻梁君猶貴之以其從來遠也故

臣將去君黃鵠舉矣晉黃鵠曲黃鵠參天飛半道還哀鳴禹貢陽鳥攸居注陽鳥隨陽之鳥鴻雁屬

廣絕交論分雁鷺之稻梁庾信詩未知稻梁雁何以報君恩○此段因望中所見而生感慨未以黃鵠哀

鳴自比嘆謀生之不若陽雁寄意淒涼與登此百憂相應

病後過王倚飲贈歌

麟角鳳嘴世莫辨。煎膠續弦奇自見。尚看王生抱此

懷。在於甫也何由羨。十洲記鳳麟洲在西海中央洲上專多鳳麟數百合羣亦多仙

家煮鳳喙及麟角合煎作膠名爲集弦膠或云連金泥此膠能屬連弓弩斷弦折劍亦以膠連之○此段

美王之才而自謙爲不可及且遇王生慰疇昔。素知賤子甘貧賤

酷見凍餒不足耻。多病沉年苦無健。王生怪我顏色

惡。答云伏枕艱難遍。瘡癘三秋孰可忍。寒熱百日相

交戰。頭白眼暗坐有胝。肉黃皮皺命如綫。通鑑武帝紀張彝沉

廢累年說文胝厓也廣韻皮厚也惟生哀我未平復。爲我力致美肴

膳。遣人向市賒香秬。喚婦出房親自饌。長安冬菹酸

且綠金城土酥淨如練兼求畜豪且割鮮密沾斗酒

諧終宴韋立成傳嘉氣日興疾病平復魏文帝書

禮七菹注全物若腍為菹細切為齏崔寔四民月令周

九月作葵菹其歲温即待十月唐書金城縣屬京

兆府至德二載改名興平長安志京兆府歲貢興

平酥咸陽梨不列方物畜豪即豪猪山海經豪豨

狀如豚而白毛西京賦割鮮故人情義晚誰似令

野食曹植詩終宴不知疲我手脚輕欲旋老馬為駒信不虛

但使殘年飽吃飯只願無事長相見詩老馬反為駒

老矣而孩童慢之朱長孺云自言老為時輩所忽

賴有王生眷之正用詩傳本旨須溪以為喻健啖可

笑按當時得意指力致美膳以下也深眷推開言之

示從孫濟唐書宰相世系表濟字

平明跨驢出未知適誰門權門多噂沓且復尋諸孫

諸孫貧無事客舍如荒村堂前自生竹堂下自生萱

萱草秋已死竹枝霜不蕃楚詞平明發兮蒼梧後

放手詩噂沓背憎箋噂噂淘米少汲水汲多井水

渾刈葵莫放手放手傷葵根鮑照詩腰鎌刈葵藿

葵不生結交莫羞貧羞貧交不成趙曰時必淘米

刈葵因以為興族之有宗猶水之有源葵之有根也

水有源勿渾之而已葵有根勿傷阿翁懶惰久自覺

之而已族有宗勿疎之意在言外行步奔所來為宗族亦不為盤餐小人利口實薄俗

難具論。勿受外嫌。猜同姓古所敦。

利口實一作實利口。左傳盤餐加

壁尚書唯恐來世以台為口實。俗之薄也與下外嫌猜一氣。

鮑照詩不受外嫌猜

曹植求通親親表周之宗盟異姓為後誠骨肉之恩爽而不離親親之義實在敦固此公敦字所本。

細詳詩意似公與濟有嫌疑而作

杜位宅守歲

集有寄從弟行軍司馬位詩。唐書世系表杜位出襄陽房為

考功郎中湖州刺史

困學紀聞位李林甫

諸壻也。四十明朝過年譜天寶十載林甫方

在相位。盍簪列炬其炙手之徒與。又公

寄杜位詩題下原注位京中宅近西曲江

守歲阿戎家。椒盤已頌花。盍簪喧櫪馬。列炬散林鴉。

四十明朝過。飛騰暮景斜。誰能更拘束。爛醉是生涯。

通鑑注晉宋間人多呼弟為阿戎。宋書謝惠連初不

為父所知。族兄靈運曰阿戎才悟如此。而何作常兒

遇之。崔寔四民月令過臘一日謂之小歲。拜賀君

親進椒酒。從小起後世率於正月一日以盤進椒飲

酒。則撮置酒中。號椒盤焉。晉書劉臻妻陳氏元旦

獻椒花頌曰。標美靈葩。爰采爰獻。朱仲新猗覺寮

雜記易豫九四朋盍簪。王弼云盍合也。簪疾也。謂朋

來之速。子美對列炬以簪為冠。簪之簪按古冠有笄

不謂之簪。劉孝威詩櫪馬悲笳吹。夏侯湛抵疑

今吾子攀其飛騰之勢。挂其羽翼之末。李尤詩年

歲晚暮日已斜。張纘表世網。莊子吾生也有涯

玄都壇歌寄元逸人

夢弼曰玄都壇漢武帝所築在長安南山子午

谷中。十洲記玄都在北海去岸三十

六萬里。上有太玄都仙伯真公所治

故人昔隱東蒙峰。已佩含景蒼精龍。故人今居子午

谷獨竝陰崖結茅屋

公昔遊詩東蒙赴舊隱尚憶同志樂正指元逸人言之初學

記後漢公孫瑞劍銘從革庚新含景吐商史記索

隱文耀鉤云東宮蒼帝其精為龍神仙傳壺公云吾

當佩含景駕蒼精注東方蒼龍春秋繁露劍之在左

蒼龍象也漢書子午道從杜陵直絕南山逕漢中

三秦記長安正南山名秦嶺谷名屋前太古玄都壇

子午西征賦眺華嶽之陰崖

青石漠漠松風寒子規夜啼山竹裂王母晝下雲旗

翻述異記利州葭萌縣玉女房是大石穴前有竹數

急莖下有青石壇每因風自掃劉繪詩松風遵路

注甌越間曰怨鳥夜啼達旦血漬草木列仙傳穆

王與王母會瑤池雲旗知君此計真長往芝草琅玕

日應長鐵鑠高垂不可攀致身福地何蕭爽

北山移文或嘆

幽人長往漢武內傳王母曰太上之藥有廣庭芝

草碧海琅玕舊注道藏經晉時有戍卒屯於子午

谷入谷之西澗水窮處忽見鐵鎖下垂約有百餘丈

戍卒欲挽引而上有虎蹲踞焉法苑珠林終南山

大秦嶺竹林寺貞觀初採蜜人山行聞鐘聲尋而往

至焉寺旁大竹林可二頃其人斷二竹節以盛蜜尋

路至大秦戍具告防人戍主利其大竹遣人覓取過

小竹谷達於崖下有鐵鎖長三丈許防人曳鎖掣之

大牢將上有二虎踞崖頭向下大呼其人怖急返

洞天福地記終南山太乙峰在長安西南五十里左

樂遊園歌

原註晦日賀蘭楊長史筵醉中作漢書神爵三年起樂游苑長安

志樂游苑在京兆萬年縣南八里亦名樂游

原兩京新記長安中太平公主於原上置亭

游賞每正月晦日三月三日九月九日

士女咸卽此祓禊登高詞人樂飲歌詩

樂游古園萃森爽。烟綿碧草萋萋長。公子華筵勢最
 高。秦川對酒平如掌。長生木瓢示真率。更調鞍馬狂
 歡賞。青春波浪芙蓉園。白日雷霆夾城仗。闐闐晴開
 誅蕩蕩。曲江翠幙排銀榜。拂水低回舞袖翻。綠雲清
 切歌聲上。鮑照詩岫遠雲烟綿 楚詞芳草生兮萋
秦嶺嶺根水流為秦川一名樊川 長安志樂游原
居京城之最高四望寬敞京城之內俯視如掌 西
京雜記有長生木木瓢以木為瓢也 張禮游城南
記芙蓉園在曲江西南與杏園皆秦宜春下苑地園
內有池謂之芙蓉池唐之南苑也 兩京新記開元
二十年築夾城入芙蓉園自大明宮夾東羅城複道
經通化門觀以達興慶宮次經春明延喜門至曲江
芙蓉園 漢志天馬歌游闐闐觀玉臺 天門歌天

門開誅蕩蕩。注誅讀如迭 江總詩房櫳宛轉垂翠
幙 沈炯林屋館記崑山平圃銀榜相輝 江總詩
暫迴舞袖驚吳市 靈光殿賦綠雲上征 列子秦
青撫節悲歌聲振林木響遏行雲 此段極寫園中
景 卻憶年年人醉時。只今未醉已先悲。數莖白髮那
 拋得。百罰深杯亦不辭。聖朝已知賤士醜。一物自荷
 皇天慈。此身飲罷無歸處。獨立蒼茫自味詩。南史桑
總席上曰雖深杯百罰吾亦不辭 賤士即賤子之
謂醜老醜也 庾信詩蒼茫落餘暉 此段情隨事
遷忽增一段悲涼與王
右軍蘭亭記序相倣

曲江三章章五句

相如哀二世賦臨曲江之
醴洲注曲江在杜陵西北
五里康駢劇談錄曲江池本秦醴州開元中
疏鑿為勝境其南有紫雲樓芙蓉苑其西有

杏園慈恩寺花卉環列烟水明媚
都人游賞盛於中和上巳二節

曲江蕭條秋氣高菱荷枯折隨風濤游子空嗟垂二

毛白石素沙亦相蕩哀鴻獨叫求其曹

左傳不禽二毛 劉安招

隱士禽獸駭今亡其曹○此章悲秋而有二毛之嘆即曲江之景物而歷歷動人如此

即事非今亦非古長歌激烈指林莽比屋豪華固難

數吾人甘作心似灰弟姪何傷淚如雨

陶潛詩即事多所欣 史

秦記是古非今今日非今非古則有前無古人後無來者意 鮑照詩長歌正激烈 宋玉風賦斃石伐

木梢殺林莽 莊子心固可使如死灰乎 古樂府

孤兒淚下如雨○此章胸中無數傀儡借長歌以發之感泣增自己之悲涼抑又傷矣

自斷此生休問天杜曲幸有桑麻田故將移住南山

邊短衣匹馬隨李廣看射猛虎終殘年

胡笳怨兮欲問天天蒼蒼

今上無緣 雍錄樊川韋曲東十里有南杜北杜杜固謂之南杜杜曲謂之北杜二曲名勝之地 漢李

廣傳廣屏居藍田南山中射獵見草中石以為虎而射之中石沒羽視之石也廣所居郡聞有虎常自射

之○此章言不必問天正有悲天意全于無可遣之中始作自遣之計其語壯其情迫矣

貧交行

翻手作雲覆手雨紛紛輕薄何須數君不見管鮑貧

時交此道今人棄如土

史記陸賈說尉佗曰漢使偏將臨越則越殺王降漢如反

覆手耳 顏延年詩朋好雲雨乖 張華詩末世多輕薄 史記管夷吾者穎上人也常與鮑叔牙游叔

知其賢仲貧困常欺鮑叔叔終善遇之已而鮑叔事齊公子小白遂進管仲仲既任政於齊桓公以霸仲曰生我者父母知我者鮑叔也范雲詩思舊昔言有此道今已微○此詩極言交道之難翻手句即公詩當面輸心背面笑意

○白絲行

縑絲須長不須白。越羅蜀錦金粟尺。象床玉手亂殷紅。萬草千花動凝碧。已悲素質隨時染。裂下鳴機色

相射。美人細意熨。貼平裁縫滅盡針線跡。吳均詩寶粟鈿金虫

何遜詩金粟裹搔頭金粟尺以金粟鈿尺也任

昉秋竹賦傍簷拂象床江淹賦惜玉手之空佇

廣韻殷赤黑色王彪之詩絲染墨悲歡路岐揚感

悼鮑照詩縑絲復鳴機南史何敬容衣裳不整

伏床熨之韻會熨持火展繒○此段言白絲治為文繡經美人之裁製其精妙如此 春天衣若

為君舞。蛺蝶飛來黃鸝語。落絮游絲亦有情。隨風照

日宜輕舉。花草織於羅錦其巧若真作為舞衣故蛺蝶飛而黃鸝語也沈約詩游絲映空轉

輕舉隨風貼落絮照日貼游絲細思自見○此段言服作舞衣而香汗輕塵汗顏色開新合故置何許梁

能動物如此香汗浸紅紗鮑照詩佳期悵何許趙曰人

情新而用之故而置之置何許嘆其委棄也○此段言顏色一汗而君不見才士汲引難恐懼棄捐忍羈

旅漢書劉向傳禹稷與臯陶傳相汲引不為比周古詩棄捐勿復道漢書張晏注羈寄也旅客也

字○末段即白絲之始末而結出正意大有秋風團

扇意見士
貴於自守

前出塞九首

晉樂志出塞入塞
曲九首李延年造

戚戚去故里悠悠赴交河公家有程期亡命嬰禍羅
君已富土境開邊一何多棄絕父母恩吞聲行負戈

顏延之詩去國還故里
詩悠悠南行
蘇秦傳破

公家而成私門
陳琳詩官作自有程
漢書竇榮

亡命山林顏師古注命名也謂脫其名籍而逃亡也
嵇康詩坎壈趣世務常恐嬰禍羅
亡命句言若

爾亡命難逃法網也
漢書嚴助傳是時武帝好征

伐四夷開置邊郡
鮑照詩吞聲躑躅不敢言
陸

機從軍行朝食不免宵夕息常
負戈○此章擬初別家時所作

出門日已遠不受徒旅欺骨肉恩豈斷男兒死無時

走馬脫轡頭手中挑青絲捷下萬仞岡俯身試塞旗

古詩相去日已遠
顏延之詩改服飭徒旅
呂氏

春秋父母之於子也此之謂骨肉之親
樂府木蘭

詩南市買轡頭
梁簡文紫駟馬詩青絲懸玉鐙

左思詩振衣千仞岡
曹植詩俯身散馬啼
李陵

書斬將塞旗瓚曰拔取曰塞
此連下二首擬道中作

磨刀鳴咽水水赤刃傷手欲輕腸斷聲心緒亂已久

丈夫誓許國憤惋復何有功名圖麒麟戰骨當速朽

辛氏三秦記隴山天水大坂也山頂有泉清水四注

東望秦川如四五里俗歌隴頭流水鳴聲幽咽遙望

秦川肝腸斷絕
孫萬壽詩心緒亂如絲
孔稚圭

詩本持許國志况復武功彰
吳越春秋越王夫人

歌情憤惋兮誰識
漢書武帝獲白麟作麒麟閣後

宣帝甘露三年單于入朝上思股肱之美圖畫大將

軍霍光等十一人于麒麟閣檀弓桓司馬自為石擲三年而不成夫子曰若是其靡也死不如速朽之為愈也磨刀鳴咽已到隴頭矣聽此流水能不悲乎後四語復作壯語自解耳

送徒既有長遠戍亦有身生死向前去不勞吏怒嗔

路逢相識人附書與六親哀哉兩决絕不復同苦辛

史記高祖以亭長為縣送徒驪山吏即送徒長賈誼傳註六親父母兄弟妻子又前禮樂志六親父子兄弟姊妹甥舅昏媾姻婭白頭吟聞君有兩意故來相决絕曹植詩倉卒骨肉情能不懷苦辛

迢迢萬里餘領我赴三軍軍中異苦樂主將寧盡聞

隔河見胡騎倏忽數百羣我始為奴僕幾時樹功勳

謝靈運詩迢迢萬里帆王粲詩從軍有苦樂庾信詩嘶馬隔河聞公孫弘傳贊衛青奮於奴僕

此章擬初到時作挽弓當挽強用箭當用長射人先射馬擒賊當擒王

殺人亦有限列國自有疆苟能制侵凌豈在多殺傷

周勃傳材官引疆服虔註能引疆弓弩官也左傳樂伯左射馬而右射人尚書不愆于六伐七伐乃止齊焉所謂殺人有限也馬援立銅柱為界所謂列國有疆也此擬軍中所作末二句大經濟語借戍卒口中說出

驅馬天雨雪軍行入高山逕危抱寒石指落層冰間

已去漢月遠何時築城還浮雲暮南征可望不可攀

梁簡文賦既浪激而沙游亦苔生而逕危漢書高帝自將擊匈奴會久雨雪士卒墮指十二三天寶

中哥舒翰屢築軍城備吐蕃〔阮籍詩〕仰觀浮雲

征。此章序軍中築城事因望南雲以寄嘆也

單于寇我壘。百里風塵昏。雄劍四五動。彼軍為我奔。

虜其名。王歸繫頸授轅門。潛身備行列。一勝何足論。

庾信詩風塵千里昏。〔烈士傳〕楚王夫人常納涼而

抱鐵柱心有所感遂產一鐵楚王命鑄此精為

雙劍三年乃成劍一雌一雄鑄留雄而以雌進劍

在匣中常悲鳴王問群臣群臣對曰劍有雌雄鳴者

雌憶其雄也王怒收鑊卸殺之其子眉間尺乃為父

殺楚王。〔漢書〕衛青霍去病虜名王貴人以百數顏

師古曰名王謂有大名以別諸小王也。〔賈誼傳〕請

繫單于之頸而制其命。〔周禮〕設宮車轅門。〔史記〕索

隱軍行以車為陳相向為門故

曰轅門。此章擬其立功之事

從軍十年餘。能無分寸功。眾人貴苟得。欲語羞雷同。

中原有鬪爭。况在狄與戎。丈夫四方志。安可辭固窮。

蘇秦傳臣東周之鄙人也無有分寸之功。〔荀子〕名

不貴苟得。〔禮記〕毋雷同。〔又〕西方曰戎北方曰狄

張協詩君子守固窮在約不爽貞。眾人貴苟得

言貪天之功以為己力故欲語而羞其雷同也不語

功則固窮不可辭矣。此章

總結前後并見不伐其功意

送裴五虬尉永嘉〔唐書〕永嘉縣屬温州

孤嶼亭何處。天涯水氣中。故人官就此。絕境與誰同。

隱吏逢梅福。游山憶謝公。扁舟吾已就。把釣待秋風。

寰宇記孤嶼在温州南四里永嘉江中嶼有二峯謝

靈運有登江中孤嶼詩後人建亭其上。〔詩箋〕天河

水氣也精光轉運于天。〔陶潛〕桃花源記序來此絕

境不復出焉。〔漢書〕梅福九江人補南昌尉王莽專

政一朝棄妻子去隱於會稽至今傳以為仙宋書謝靈運出為永嘉太守郡有各山水肆意遨遊

送張十二參軍赴蜀州因呈楊五侍御

唐書都督

諸州俱有參軍事掌出使贊導蜀州唐安郡屬劍南道垂拱二年析益州置

好去張公子通家別恨添兩行秦樹直萬點蜀山尖

御史新驄馬參軍舊紫髯皇華吾善處於汝定無嫌

世說孔融十歲見李膺門下不為通融曰我是公通家子弟膺問何親曰先君孔子與老君有師資之道

後漢書桓典拜侍御史常乘驄馬語曰行行且止避驄馬御史

晉書郗超為桓溫參軍超有髯府中號曰髯參軍

獻帝春秋張遼問吳降人有紫髯將軍是誰曰是孫會稽

詩序皇華勞使臣之詩

平傳金多者得善處金少者得惡處皇華指御待善處無嫌言與公有舊得推屋烏之愛自無嫌也

歛音忽

送韋書記赴安西

唐書元帥節度府有掌書記一人關預軍中機密

夫子歛通貴雲泥相望懸白頭無藉在朱紱有哀憐

書記赴三捷公車留二年欲浮江海去此別意茫然

晉丁彬書雲泥異途邈矣懸隔千金翼論老人之性必恃其老無有藉在趙曰無藉在謂無所倚藉故

用對哀憐舊作通籍之籍非是唐制御史賜金印朱紱韋書記必兼官御史故云

詩采薇豈敢定居一月三捷東方朔傳注公車令屬衛尉上書者所

詣本傳天寶十載獻三賦命待制集賢風俗通姜肱乘桴浮海莫知其極

此詩雲泥合提下六句分應白頭自謂朱紱指韋三捷指韋公車自謂江海自謂此別指韋

奉贈鮮于京兆二十韻

唐書李叔明傳叔明本姓鮮于氏兄仲通

字向天寶末為京兆尹楊國忠傳國忠素德仲通使討雲南舉軍沒以白衣領職未幾國

忠引為京兆尹

王國稱多士賢良復幾人異才應間出爽氣必殊倫

始見張京兆宜居漢近臣驂駟開道路鷓鴣離風塵

侯伯知何算文章實致身奮飛超等級容易失沉淪

脫略磻溪釣操持郢匠斤雲霄今已徧台袞更誰親

鳳穴雛皆好龍門客又新梁簡文南都頌異人俊又既間出而在官漢書黃

霸守京兆尹視事數月不稱於是膠東相張敞守京兆尹敞治京兆畧循趙廣漢之迹元帝即位待詔

鄭明薦敞先帝名臣宜傳輔皇太子漢書孫寶傳張忠薦寶明經質直宜備近臣穆天子傳左服驂

騮而右駮耳郭璞注驂騮色如華而赤晉書衛玠

與兄別曰在三之義人之所重今日忠臣致身之道可不勉乎吳均詩相顧無羽詔何由總奮飛夏

侯玄賦上下等級各示有差恨賦脫略公卿水經注渭水之右磻溪水注之溪中有泉謂茲泉東南

隅石室太公所居水次平石即太公垂釣之所莊子郢人堊漫其鼻端若蟬翼使匠石斲之匠石運斤

成風盡堊而鼻不傷王褒尉遲公碑任隆台袞山海經丹穴之山有鳥焉其狀如雞五采而文名曰

鳳凰晉書陸雲幼時吳尚書閔鴻見而奇之曰此見若非龍駒定是鳳雛顏魯公仲通墓碑仲通子

六人皆有令問李膺傳膺性簡亢被容接者名為登龍門以上總義聲紛感激敗績久逡巡途遠欲

稱京兆才地門望何向天高難重陳學詩猶孺子鄉賦忝嘉賓不得同

晁錯吁嗟後郊詵計疎疑翰墨時過憶松筠獻納紆

皇眷中間謁紫宸且隨諸彥集方覲薄才伸破胆遭

前政陰謀獨秉鈞微生霑忌刻萬事益酸辛萬章傳

懼主父偃傳日暮途遠劉琨詩棄置勿重陳

鄉賦謂鄉舉晁錯傳以臣錯充賦詩序鹿鳴宴羣

臣嘉賓也晁錯傳文帝詔有司舉賢良文學錯在

選中時對策者百餘人惟錯為高第由是選中大夫

晉書泰始中舉賢良直言之士郊詵以對策上第

拜議郎任昉求為劉瓛立館啟賤圭璧于光陰竟

松筠于歲晚唐六典紫宸殿即內朝正殿嚴助

傳越人綿力薄才谷永傳臣所以破胆寒心孫

綽喻道論陰謀之人子孫不昌詩秉國之鈞庾

信賦既言多于忌刻李林甫傳帝詔天下通一藝

以上皆詣京師林甫恐草野之士對策斥言其奸惡

建言委尚書省覆試遂無一人及第是時國忠已代

林甫故曰前政也此段公自敘淪落長安始末義

聲二句承上起下途遠八句敘開元中應舉下第事

獻納四句敘獻三大禮賦名試集賢交合丹青地恩

院事破胆四句言為林甫所抑也

傾雨露辰有儒愁餓死早晚報平津鹽鉄論公卿者

賀凱詩恩榮雨露濡漢公孫弘傳元朔中代薛澤

為丞相封平津侯開閣延士交合二句指鮮于說

即上雲霄已逼二句意也平津指國忠仲通與國忠

深交故望其汲引耳前言林甫之忌才此則望國

忠之憐才而欲仲通之薦耳

奉留贈集賢院崔國輔于休烈二學士唐六典開

元十三年名學士張說等宴於集仙殿改名

集賢殿修書所為集賢殿書院五品以上為

學士六品以下為直學士唐詩紀事崔國

輔吳郡人初授許昌令累遷集賢直學士禮

部員外郎唐書于休烈開元初第進士自

秘書省正字累遷集賢殿學士轉比部員外

郎郎中黃曰公獻三賦明皇奇之名
試文章崔于二學士當是試文之官

昭代將垂白窮途乃叫闈氣衝星象表詞感帝王尊

天老書題目春官驗討論倚風遺鴟路隨水到龍門

竟與蛟螭雜空聞燕雀喧青冥猶契闊陵厲不飛翻

前漢杜業傳註垂白老言白髮下垂也耳泉賦選
巫咸兮叫帝闈王融策文上叶星象下符川嶽

唐六典延恩甄凡懷才抱器希於聞達者投之公獻
三大禮賦後進鵬賦封西嶽賦皆投延恩甄故曰叫

闈曰詞感帝王也帝王世紀黃帝以風后配上台
天老配中台五聖配下台謂之三公此天老指宰

相南史杜之偉傳與學士劉陟等抄撰羣書各為
題目周禮太宗伯為春官隋書諸葛穎與劉焯

劉炫閉戶讀書大業中為著作郎帝賜書云參翰長
洲苑侍講肅成門名理窮研竅英華恣討論左傳

六鵬退飛過宋都也三秦記龍門在河東界每暮

春有黃黑鯉魚自海及諸川爭來赴之得上者便化
為龍否則曝腮點額而退曹植詩凌厲中原顧盼

生姿王粲詩苟非鴻鵬孰能飛翻朱云公以詞
賦為人主所知再降恩澤止送隸有司參列選序故

有青冥契闊之嘆此段敘就試集賢不能竟用之
概儒術試難起家聲庶已存故山多藥物勝概憶桃

源欲整還鄉旆長懷禁掖垣謬稱三賦在難述二公

恩公孫弘傳弘習文法吏事而又緣飾以儒術任
昉傳四子竝無術業墮其家聲方輿勝覽桃源

在鼎州縣南二十里旁有秦人洞憶桃源欲歸隱
也公族在杜陵而田園在洛陽此云故山謂東都洛

陽劉楨贈徐幹詩隔此西掖垣原註甫獻三大
禮賦出身二公常謬稱述此段因欲還鄉而敘留

贈之意言身將隱矣然回首禁垣不
勝懷戀者以二公謬賞恩故難忘耳

投贈哥舒開府翰二十韻

唐六典從一品曰開府儀同三司為

散官

舊唐書

翰突騎首領哥舒部落之後

新書

天寶十一載翰自隴右節

度副大使加開

府儀同三司

今代麒麟閣何人第一功君王自神武駕馭必英雄

史記漢王定天下論功行封羣臣爭功歲餘不決關

內侯鄂君進曰蕭何常全關中以待陛下此萬世之

功也蕭何第一曹參次之易古之神武而不殺者

夫吳志張昭傳夫人君者謂能駕馭英雄驅使羣

賢此從朝廷說起立言有體開府當朝傑論兵邁

與上韋左丞鳳曆龍飛全局

古風先鋒百勝在略地兩隅空青海無傳箭天山早

掛弓廉頗仍走敵魏絳已和戎每惜河湟棄新兼節

制通智謀垂睿想出入冠諸公日月低秦樹乾坤繞

漢宮胡人愁逐北宛馬又從東受命邊沙遠歸來御

席同軒墀曾寵鶴畋獵舊非熊茅土加名數山河誓

始終策行遺戰伐契合動昭融勲業青冥上交親氣

概中舊唐書翰好讀左氏春秋傳及漢書通大義

通鑑謝立鎮廣陵以劉牢之為參軍領精銳為

前鋒百戰百勝號北府兵漢書鄂千秋曰曹參有

野戰略地之功舊唐書翰初事河西節度使王倕

倕攻新城使翰經略又事王忠嗣遷右衛郎將吐蕃

寇邊翰拒之於苦拔海其衆三行從山差池而下翰

持半段鎗迎擊所向披靡尋充隴右節度副使設伏

鐵吐蕃于積石軍兩隅指河西隴右

舊唐書天

寶六載翰代王忠嗣為隴右節度使築神威軍于青

海上吐蕃至攻破之又築城于青海中龍駒島吐蕃

屏跡瑚人起兵則傳箭為號無傳箭息兵也
 記索隱祁連山一名天山在張掖酒泉二郡界
 記廉頗趙良將破齊攻魏封為信平君左傳晉魏
 絳說悼公和戎有五利公說使絳盟諸戎賜之女樂
 二入歌鐘一肆舊唐書吐蕃傳湟水出蒙谷抵龍
 泉與河合河之上流由洪濟梁西南行二千里世舉
 謂西戎地曰河湟新唐書睿宗時楊矩為鄯州都
 督奏請九曲地為公主湯沐九曲水甘草良宜畜牧
 近與唐接自是虜益張雄易入寇十二載翰進封
 涼國公加河西節度使攻破吐蕃洪濟大漠門等城
 悉收九曲地以其地置洮陽郡築神策宛秀二軍
 丘遲讓光祿大夫表飛翠鳴玉出入禁闈
 齊人追亡逐北左傳衛懿公好鶴鶴有乘軒者
 軒大夫車也韻會檐宇之末曰軒取車象也
 寵翰以軒車即鶴之乘軒也係借用
 王將獵卜曰所獲非龍非彪非虎非羆乃霸王之輔
 果遇太公于渭陽載與俱歸爾雅翼熊之雌者為羆
 則熊羆可互用書傳王者建諸侯各割其方色上

與之使立社燾以黃土苴以白茅茅取其潔黃土取
 王者覆四方漢書孔光傳元帝賜霸第一區徙名
 數于長安注戶籍也
 河如帶泰山若礪國以未存爰及苗裔舊唐書天寶
 十二載九月隴右節度使涼國公哥舒翰進封西平
 郡王食實封五百戶策行二句言安邊策行而無
 事戰伐君臣契合而動協天心也詩昭明有融
 舊唐書翰倜儻任俠好然諾縱蒲酒疎財重氣士多
 歸之以上
 敘開府始末 未為珠履客已見白頭翁壯節初題柱
 生涯獨轉蓬幾年春草歇今日暮途窮軍事留孫楚
 行間識呂蒙防身一長劍將欲倚崆峒史記春申君
 其上客皆躡珠履田千秋傳千秋訟太子寃曰臣
 夢白頭翁教臣言吳書魯肅少有壯節
 司馬相如初西去題昇仙橋柱曰不乘駟馬車不復
 過此橋後果乘傳至其處梁元帝詩既看春草歇

〔晉書〕孫楚為石苞參軍楚負其才氣頗侮易苞初至長揖曰天子命我參卿軍事 〔吳志〕吳使都尉趙咨使魏魏帝問吳王何等主也對曰聰明之主也納魯肅于凡品是其聰也拔呂蒙于行陣是其明也抱樸子道術諸經可以却惡防身者有數千法如含景藏形等不可勝計亦各有效也 〔後漢〕公孫瑞劍銘從革庚新含景吐商 〔宋〕王大言賦長劍耿耿倚天外 〔舊書〕隴右道岷州溢樂縣有崆峒山山在縣西二十里 〔倚劍崆峒公意欲參翰軍事〕此段公歷自敘而深屬意於開府

嘆庭前甘菊花

〔師曰〕甘谷名漢武帝西置其涼瓜沙等州其谷產菊

庭前甘菊移時晚青葢重陽不堪摘明日蕭條醉盡醒殘花爛熳開何益籬邊野外多衆芳采擷細瑣升中堂念茲空長大枝葉結根失所纏風霜〔繁欽詩〕蕙草生山北

托身失所依植根陰崖側夙夜憂危頽○此詩全作失時之嘆大有五穀不熟不如萑稗意

醉時歌

〔原注〕贈廣文館博士鄭虔

諸公袞袞登臺省廣文先生官獨冷甲第紛紛厭梁肉廣文先生飯不足先生有道出羲皇先生有才過

屈宋德尊一代常坎軻名垂萬古知何用

〔晉書〕張華讀書袞袞

可聽注相繼之意

〔江淹詩〕總轡出臺省

〔新書〕鄭

虔傳玄宗愛虔才欲置左右以不事事更置廣文館

〔漢高祖詔〕列侯

居邑皆賜大第室注有甲乙次第故曰第

〔孟嘗君

傳今君僕妾厭餘梁肉而仕不厭糟糠

〔陶潛傳〕高

卧北牕自謂義皇上人

〔宋〕之問傳衙官屈宋

坎

一作轆車不平也軻車折軸也○此段言鄭失志之况

杜陵野客更嗤被褐

短窄髮如絲日糴太倉五升米時赴鄭老同襟期漢書

元康元年以杜東原上為初陵更名杜陵為杜陵長安志杜陵今在奉先城東南二十五里舊唐書天

寶十二載八月京城霖雨米貴令出太倉米十萬石減價糶與貧人梁高澄與侯景書繼綵襟期綢繆

素分○此段自謂與鄭所遇之同得錢即相覓沽酒不復疑忘形到

爾汝痛飲真吾師滑稽傳王先生懷錢沽酒括異志道士張酒酒得錢即沽酒一旦入

王屋山尸解郭象莊子序有忘形自得之懷文士傳彌衡有逸才與孔融為爾汝交時衡年二十融

年已五十○此段合敘與鄭性情之同清夜沉沉動春酌燈前細雨簷

花落但覺高歌有鬼神焉知餓死填溝壑相如逸才

親滌器子雲識字空投閣何遜詩沉沉夜看流江淹詩共取落簷花前朱

買臣傳妻恚怒曰如公等終餓死溝中耳左思詩常其未遇時憂在填溝壑漢書相如令文君當壚身

著犢鼻禪滌器于市中楊雄傳雄校書天祿閣上治獄使者來收雄雄從閣上自投下幾死莽問其故

乃劉棻嘗從雄學作奇字雄不知情詔勿問○此段承上痛飲借古人以自慰先生早賦歸

去來石田茅屋荒蒼苔儒術於我何有哉孔丘盜跖

俱塵埃不須聞此意悽愴生前相遇且銜盃陶潛傳為彭澤

宰解印綬去職賦歸去來辭孔丘盜跖對舉見莊子○此段聊作曠達語實寫其不平之鳴筆意略似

李青蓮

醉歌行原注別從姪勤落第歸勤郭本作勸

陸機二十作文賦汝更少年能綴文總角草書又神

速。世上兒子徒紛紛。驂騮作駒已汗血。鷲鳥舉翮連青雲。詞源倒傾三峽水。筆陣獨掃千人軍。臧榮緒晉書機少襲

父兵為牙門將軍年二十而吳滅退臨舊里與弟雲勤學機妙解情理心識文體故作文賦

漢書贊自

孔子之後綴文之士眾矣

詩總角卯兮

孔融薦

餘力詞無竭源

益州記明月峽巫山峽廣濟峽謂

也硯者城池也本領者將軍也心

意者副將也

此段盛稱其才

只今年纔十六七

射策君門期第一。舊穿楊葉只自知。暫蹶霜蹄未為

失。偶然擢秀非難取。會是排風有毛質。汝身已見唾

成珠。汝伯何由髮如漆。漢書蕭望之以射策甲科為郎注射策者為問難疑義書

之於策量其大小署為甲乙之科不使彰顯隨其所

得而釋之以知優劣

戰國策楚有養由基者去柳

葉百步而射之百發百中

晉書文苑傳擢秀士林

鮑照與妹書浴雨排風吹澇弄翮

莊子子見夫

唾者乎噴則大者如珠

趙壹詩咳唾自成珠

陳書

張麗華髮長七尺鬢黑如漆光澤可鑿

此段慰其

第春光潭沲秦東亭渚蒲牙白水荇青風吹客衣日

杲杲樹攪離思花冥冥酒盡沙頭雙玉瓶眾賓皆醉

我獨醒乃知貧賤別更苦吞聲躑躅涕淚零

江賦隨

與波潭沲富嘉謀明冰篇春光潭沲度千門

賦山月沒客衣單

詩杲杲日出

陳子高詩花片

攪春心

屈原漁父篇眾人皆醉我獨醒

鮑照詩

心非木石豈無感吞聲躑躅不敢言

此敘別時景

事情溢

言表

麗人行

此詩刺諸楊游宴曲江之事

三月三日天氣新。長安水邊多麗人。態濃意遠淑且

真。肌理細膩骨肉勻。繡羅衣裳照莫春。蹙金孔雀銀

麒麟。頭上何所有。翠微鬋葉垂髻唇。背後何所見。珠

壓腰。被穩稱身。

周禮女巫掌歲時祓除釁浴。注如今三月三日。上巳往水上之類。洛神賦。睹一麗人於巖之畔。明皇雜錄。上將幸華清宮。貴妃姊妹競飾衣服。共會于國忠第。同入禁中。炳煥

炳燭觀者如堵。其從幸華清如此。度上巳脩禊。亦必爾也。東京賦。擘肌分理。招魂。靡顏膩理。玉篇。鬋。綵婦人頭上髻飾。翠微。鬋。葉言以翡翠為鬋。綵之葉

色如翠微也。爾雅。被謂之裾。珠壓腰被。蓋衣裾以珠綴之。劉綏詩。祿小稱腰身。趙曰。此即曹植頭

上金雀釵。腰佩紫琅玕之勢。蓋舉頭與腰之飾而一

身之服備矣。首二句領起態濃以下極狀態服飾之美。

就中雲幕椒房親。賜

名大國號與秦。西京雜記。成帝設雲幄。雲帳。雲幕。於

椒房殿。在未央宮。以椒和泥塗壁。舊唐書。大真姊三人皆有才貌。並封國夫人。大姊封韓國。三姨封虢國。八姨封秦國。通鑑。適崔氏者為韓國夫人。適裴氏者為虢國夫人。適柳氏者為秦國夫人。○二句點出麗人位號。

紫駝之峯出翠金。水精之盤行素鱗。犀筋厭飫

久未下。鸞刀縷切空紛綸。黃門飛鞚不動塵。御廚絡

繹送八珍。簫鼓哀吟感鬼神。賓從雜遝實要津。

西陽雜俎。衣冠家名食。有將軍曲。良翰作駝峯炙。味甚美。績遊北山賦。拭丹爐而調石髓。衰翠金而出金精。交州雜事。太康四年。刺史陶璜表送林邑王所獻縹緋水精盤各一枚。王廙笙賦。舞靈蛟之素鱗。西

上詩會粹

卷之二

二

陽雜俎明皇賜祿山有金平脫犀頭匙筋楚詞時

厭飫而不用兮久未下即何曾無下筋處意西

征賦養人縷切鸞刀若飛詩傳鸞刀刀環有鈴割中

節漢書注凡號黃門以其給事黃闈之內鮑照

詩飛鞚越平陸通俗文制馬口曰鞚王莽傳絡繹

道路周禮膳夫珍用八物注珍用淳熬淳母炮豚

炮牂擣珍漬熬肝營也詩序動天地感鬼神莫近

於詩左思詩締交翩翩賓從奕奕劉向傳雜選

衆賢以上極言飲後來鞍馬何逡巡當軒下馬立

食音樂并賓從之盛錦茵楊花雪落覆白蘋青鳥飛去銜紅巾炙手可熱

勢絕倫慎莫近前丞相嗔當軒下馬丞相國忠也

雅翼萍其大者蘋五月有花白色謂之白蘋山海

經三危之山三青鳥居之梁元帝味柳枝邊通粉

色隙裏映紅巾王勃落花篇羅袂紅巾往復還揚

花二句暮春景西京新記安樂公主上之季妹也

附會韋氏熱可炙手道路懼焉唐語林會昌中語曰

鄭楊段薛炙手可熱古樂府當時近前面發紅

通鑑天寶十一載十一月以楊國忠為右相兼文部

尚書此段極言國忠之烜赫國忠與號國從兄妹

不避雄狐之刺故有近前丞相嗔之語蓋公微詞耳

陪李金吾花下飲

漢百官志執金吾緹騎二百二十人應劭曰吾禦也

掌執金吾革以禦非常唐六典金吾將軍掌

宮中及京城晝夜巡警之法顏師古曰金吾

鳥名主辟不祥因以名

官天子出行職主先導

勝地初相引徐行得自娛見輕吹鳥毳隨意數花鬚

細草稱偏坐香醪懶再沽醉歸應犯夜可怕執金吾

江總詩名山極歷覽勝地殊流連張九齡詩簷風

落鳥毳牕葉掛虫絲韻瑞王逸少默數花鬚摘燃

咀嗅怡然自若○末以戲語作結

陪鄭廣文遊何將軍山林十首

東方叔傳注園中有山不

敢稱第故託言山林通志少陵原乃樊川之北原自司馬村起至何將軍山林而盡其高三百尺在杜城之東韋曲之西

不識南塘路今知第五橋名園依綠水野竹上青霄

谷口舊相得濠梁同見招平生為幽興未惜馬蹄遙

通志開皇三年築京城引香積渠水自赤欄橋經第五橋西北入城張禮遊城南記第五橋在韋曲西以姓得名許渾詩背嶺枕南塘意亦在韋曲左右世說王子敬自會稽經吳顧辟疆有名園先不識主人竟往其家梁王訓詩石橋通小澗竹路上青霄谷口指廣文莊子莊子與惠子同遊濠梁之十

盤中詩何惜馬蹄歸不數○此首從未至說起景聯俱在遙望中

百頃風潭上千章夏木清卑枝低結子接葉暗巢鸞

鮮鯽銀絲鱠香芹碧澗羹翻疑柀樓底晚飯越中行

祖孫登詩風潭如拂鏡山溜似調琴史貨殖傳山居千章之菡注大樹曰章陶潛詩夏木獨森疎魏文帝詩卑枝拂羽蓋周景式孝子傳古有兄弟三人意欲分異出見三荆同株接葉連陰嘆曰木猶欣聚况我而殊異哉西陽雜俎南孝廉善斫膾絲縷輕可飛起公嘗游越中今見羹鱠而思越猶前聞吳詠而思吳也○以下八首味園中景物遊當夏時故以夏木二字點清耳

萬里戎王子何年別月支異花開絕域滋蔓匝清池

漢使徒空到神農竟不知露翻兼雨打開拆日離披

本草日華子云獨活一名戎王使者戎王子當是其類朱子語類亦云未知其何種舊唐書肅州酒泉郡漢月氏國地左傳無使滋蔓漢使空到謂張騫止得安榴之類不攜此種神農不知本草不載也宋玉九辨菴離披此梧楸○此舉山林中花種之別者言之

旁舍連高竹疎籬帶晚花碾渦深沒馬藤蔓曲藏蛇

詞賦工何益山林跡未賒盡捨書籍賣來問爾東家

漢書高祖適從旁舍來梁簡文詩晚花欄下照踈螢簾上飛服虔通俗文石礪轆轤曰碾碾渦碾

礪間水渦漩也邴原傳原游學詣孫崧崧曰君鄉里鄭君學者之範模也君乃舍之所謂以鄭君為東家丘也原曰以鄭君為東家丘以僕為西家愚夫耶

周弘讓詩揚鞭還却望春色滿東家○盡捨句項詞賦來問

句項山林

剩水滄江破殘山碣石開綠垂風折笋紅綻雨肥梅

銀甲彈箏用金魚換酒來興移無灑掃隨意坐莓苔

一統志碣石屬永平昌黎縣有山凸出山頂其形如柱古詩十五學彈箏銀甲不曾卸晉書阮孚為散騎常侍常以金貂換酒車服志佩魚始高宗朝武后改佩魚為龜中宗初罷龜袋復給魚天台山賦

踐莓苔之滑石

風磴吹陰雪雲門吼瀑泉酒醒思卧簟衣冷欲裝綿

野老來看客河魚不取錢祗疑淳樸處自有一山川

庾信碑文烟沉冰井兩歇雲門丘遲詩野老時一看當夏時而言衣冷極狀山林之陰

棘樹寒雲色茵陳春藕香脆添生菜美陰益食單涼

野鶴清晨出山精白日藏石林蟠水府百里獨蒼蒼

埤雅大者棗小者棘 陶潛詩寒雲沒西山 本草茵陳蒿類經冬不死更因舊苗而生故名 鄭望膳

夫錄韋僕射巨源有燒尾宴食單戎幕閒談顏魯公

詣范氏尼問命尼指座上紫絲布食單曰顏衫色如

此 玄中記山精如人一足長三四尺食山蟹夜出

畫藏 白日藏言山林之幽即白日藏於此也

詞焉有 石林

憶過楊柳渚走馬定昆池醉把青荷葉狂遺白接羅

刺船思郢客解水乞吳兒坐對秦山晚江湖興頗隨

刺郎達切 楊柳渚未詳 唐書安樂公主傳嘗請

昆明池為私沼不得乃自鑿定昆池 張禮游城南記

池在韋曲之北 酉陽雜俎魏鄭公慙取大荷葉置

硯格上盛酒三升以簪刺葉令與柄通傳吸之名碧

筒盃 晉山簡傳每臨高陽池未嘗不大醉而還時

人為之歌曰時時能騎馬倒著白接羅爾雅註白鷺

翅上有長翰江東取為接羅 山濤詩刺船蓮花浦

郢客思遨遊 晉書夏統能水戲賈充以鹵簿妓女

繞其船若不聞充曰此吳兒是木人石心也 謝眺詩

吳兒未習水歌笑輕波瀾 按此章因游山林而轉

憶楊柳渚定昆池以其景事相

彷彿也即前詩晚飯越中行意

床上書連屋階前樹拂雲將軍不好武稚子總能文

醒酒微風入聽詩靜夜分絺衣掛蘿薜涼月白紛紛

庾信詩隱士一床書 顏氏家訓漢郎顏泗自稱好

武更無事跡 前賈誼傳諸生於是以為能文 風

賦 清清泠泠愈病析醒 魏明帝詩靜夜

不能寐耳聽眾禽鳴 此首夜時景事

幽意忽不愜歸期無奈何出門流水住回首白雲多

自笑燈前舞誰憐醉後歌。祇應與朋好風雨亦來過。
庚信詩畫水流全在圖雲色半輕。○此章出門以後之作流水自在我則不能所以不愜也燈前二句追憶前事誰憐亦見不愜意至落句已伏下重過矣。

重過何氏五首

前游在夏故有夏木清句後游在明春故有春風啜茗句

問訊東橋竹將軍有報書倒衣還命駕高枕乃吾廬
花妥鸞捎蝶溪喧獺趁魚重來休沐地真作野人居

詩東方未明顛倒衣裳

晉書呂安與嵇康友每一

相思千里命駕

陶潛詩吾亦愛吾廬

曲禮正義

妥頽下之貌

增韵捎取也掠也

漢制內臣五日

一出休沐註休沐言休息以沐浴也

野人公自謂

○此章亦從未至前說起

山雨樽仍在沙沉榻未移犬迎曾宿客鴉護落巢兒

雲薄翠微寺天清皇子陂向來幽興極步履到東籬

唐書長安縣南五十里太和谷有太和宮武德八年

置貞觀十年廢二十一年復置曰翠微宮籠山爲苑

元和中以爲寺長安志翠微宮在萬年縣外終南山

之上水經註灃水上承皇子陂于樊川其地卽杜

之樊鄉也十道志秦葬皇子起冢陂北原上故名皇

子陂隋改永安唐復舊宋書袁粲爲丹陽尹嘗步

屨白楊

郊野間

落日平臺上春風啜茗時石欄斜點筆桐葉坐題詩

翡翠鳴衣桁蜻蜒立釣絲自今幽興熟來往亦無期

桁下浪切○張率詩平臺寒月色池水愴風威說

文翡翠赤羽雀翠青羽雀古樂府還視桁上無懸衣

頗怪朝參懶應耽野趣長兩拋金鎖甲苔卧綠沈槍
手自移蒲柳家纔足稻梁看君用幽意白日到羲皇

王右軍帖吾怪足下朝參少晚軍頻秦書苻堅使

熊邈造金銀細鎧金為綫以縲之今謂甲之精細者

為鎖子言相銜之密也唐六典甲之制十有三今明

光光要細鱗山文鳥鎚鎖子皆鉄甲也武庫賦綠

沉之槍西溪叢話綠沉以調綠漆之其色深沉如漆

調雌黃之類爾雅疏揚一名蒲柳生澤中可為箭

到此應嘗宿相留可判年蹉跎暮容色悵望好林泉

何日霑微祿歸家買薄田斯游恐不遂把酒意茫然

朱云判與拚通玉篇拚一音伴世說周處曰年已

蹉跎北史韋夏淡於榮利所居之宅枕帶林泉時

對琴書蕭然自遠後漢獨行傳趙苞謂母曰為子

無狀欲以微祿奉養隋書王通教授河汾間曰通

有先人之故廬足以蔽風雨薄田足以具饘粥讀

書談道足以自樂不願仕也此章亦臨別之作

陪諸貴公子丈八溝攜妓納涼晚際遇雨二

首通志下杜城南有第五橋丈八溝

落日放船好輕風生浪遲竹深留客處荷淨納涼時

公子調冰水佳人雪藕絲片雲頭上黑應是雨催詩

梁簡文納涼詩荷靜月應來家語黍以雪桃註

雪拭也朱超道詩摘除蓮上葉拈出藕中絲

雨來霑席上風急打船頭越女紅裙濕燕姬翠黛愁

纜侵堤柳繫幔卷浪花浮歸路翻蕭颯陂塘五月秋

庚信詩五兩開船頭

陳后主詩轉態結紅裙

沈

約詩月華照趙瑟風色動燕姬

說文黛畫眉墨

柳詒詩淡疊浪花生

陳后主詩寒氣尚蕭颯



